

Monheimer Wappenlied „Uss Gänseliesje“ (1957)

Text: Dr. Hans Kurt Peters / Komposition: Hermann Jansen

Jedes Städtche op d'r Kaat
hätt sin Zier un Eegeaat.
Jedes zeeg em Wappe an,
wat et hätt un wat et kann:
Kölle krönt voll Dankbarkeit
hillige Vergangenheit,
Düsseldörp glänzt wieder neu
mit singem Mostert-Leu!

Refrain:

Ja wat, ja wat, ja wat es ävver dat:
Luur blos op uss Wappenschild,
es dat nit e lecker Bild,
Monnems Gänseliesje,
op dem gröne Wiesje,
hält dat Fengerche op de Muul,
weil em bütze is nit fuul,
domet örr Schnaddeergäns och weest,
dat Geschwätz vam Nohdeel ess!

Selvs d'r Vatter Rhing wood stell
als met övermödgem Spill,
durch d'r Plathals nom Maatstich
d'r Spillmann sin Fidel strech.
Hei wie dann d'r Drickes sprong,
runk em Danz drieht Ahl un Jung,
usse Spillmann spillt un laach,
wodran hät hä jedach?

Refrain:

Ja wat, ja wat, ja wat es ävver dat...

Wieverklatsch un domm Jezänk
hannt dä Spillmann fies jekränk.
Wieh em Hätz ging hä stell fott,
kenne soh dä ahle Jott
zick dem Daach en Monnem mieh.
Bloos uss Liesje, höht et hie,
waat, un zeeg uss Johr för Johr
wat hie in Monnem wohr.

Refrain:

Ja wat, ja wat, ja wat es ävver dat...

Wenn mer jedes Johr mit Ehr
fiere usse Fasteleer,
bloot däm Spillmann doch et Hätz
böss hä kütt ze joder letz
doch noh Monnem widder hin,
öm met uss hie fruh ze sinn.
Un e löstig lieblich Kenk
hä als sie Liesje fenk.

Refrain:

Ja wat, ja wat, ja wat es ävver dat...